

卜筮全書

卜筮全書卷之十

黃金策三

○疾病

人孰無常。疾病無常。事孰爲大。死生爲大。

占病以官爻爲惡殺。凡病症候輕重。得病根由。皆係此爻。獨發之爻。亦可以此推之。

火屬心經。發熱咽乾口燥。水歸腎部。惡寒盜汗遺精。

金肺木肝。土乃病侵脾胃。衰輕旺重。動則煎迫身軀。

鬼爻屬火。心經受病。其病必惡寒。或盜汗。或遺精白濁。類屬水。腎經受病。其病必惡熱。咽乾口燥。類屬金。肺經受病。其症必咳嗽虛怯。或氣喘。類屬木。肝經受病。其症必感冒風寒。四肢不和。類屬土。脾

經受病必虛黃浮腫。瘟疫時氣類。若鬼爻身弱。病必輕。旺必重。安靜則穩。然安臥發動則煎逼急燥。若在坎宮中滿血虛兼溼毒。如當離卦內虛眼赤及尿黃。

坎象中滿。故主中滿。離象中虛。故主內虛。然坎宮屬水。火鬼主血虛。水鬼主濕毒。離宮屬火。或火官主眼赤。水鬼主尿黃。

坤腹乾頭。兌必喉風咳嗽。艮足震手。巽須癱疾腸風。

鬼在坤宮。腹中有病。火鬼必患腹癰。水鬼腹中疼痛。動化財爻。或財化水鬼。必患瀉痢。土鬼則是癰塊。食積。或沙脹蠱症。木鬼絞腸沙痛。或大腸有病。金鬼腸肋痛。在上。膈膈痛。在下。腰痛。此鬼在坤宮。斷法。其諸卦。倣此推之。

螣蛇心驚。青龍則酒色過度。勾陳腫脹。朱雀則言語顛狂。虎有損傷。女子則血崩血暈。玄武憂鬱。男人則陰症陰虛。

螣蛇鬼則坐臥不安。心神不定。青龍鬼則酒色過度。瘦弱無力。勾陳胞滿腫脹。脾胃不和。朱雀鬼狂言亂語。身熱面赤。白虎鬼跌撲打鬪。傷筋損骨。女人則血崩血暈。產後諸症。白虎鬼神故也。玄武鬼色慾太過。憂悶在心。在本宮主陰虛。化子孫。男子必陰痿。蓋玄武又暗昧之神故也。宜通變。

### 鬼伏卦中。病來莫覺。

占病遇本宮鬼出現發動。得病初卽曉根源。若本宮官鬼不出現。而他宮官鬼出現者。有病必然久伏在身。今因七情四氣感冒而發也。若本宮他宮皆無官鬼。必隱然得病。初莫知何由也。明夷觀賁。

需臨切忌世身入墓大畜豐  
同人蠱夬莫逢財鬼俱興

### 官藏世下病起如前

本宮鬼官伏在世下必是舊病重發若伏鬼不傷  
用爻而用爻反被世尅者前日病輕今日反沉重  
如伏鬼刑傷用爻而用爻反得世爻生扶  
者前日病重今日輕用爻妻病看財爻類

若伏妻財必是傷饑失飽如藏福德必然酒醉耽淫  
父乃勞傷所致兄爲氣食相侵

鬼伏財下必是飲食不節傷饑失飽或因財物起  
因或因婦人得病鬼伏子下必是飲酒過度或恣  
行房事夏或露臥過取風涼冬或傷煖過穿裘帛  
或過修煉煉養精等藥所致鬼伏父下必是勞心  
勞力憂慮傷神或因動土修造或因尊長得病鬼  
伏兄下必是口舌爭競停食感氣或有呪咀或因

賄賂爭財得病

### 官化官。新舊兩病。鬼化鬼。遷變百端。

本宮官鬼。仍伏他宮官鬼之下。必是舊病。或曰舊病不謹。變生他症。或新舊兩般病。若遇鬼化鬼。其病進退。或有變症。或應使駁雜。或寒熱不定。

### 化出文書在五爻。則途中遇雨。變成兄弟居三位。則

### 房內傷風。

鬼化父母。必在造修之處得病。若在五爻屬水。則在途冒雨而得也。如化兄弟。必因口舌毆氣。或是傷食。若在三爻屬木。必房中脫衣露體。感冒風寒。所致。若化子孫。則在僧道寺院。或漁獵遊戲所致。若化財爻。多因傷食。或因妻奴。或因賣買交易得病。已上六親化出鬼爻。亦依此斷。

本宮爲在家得病下必內傷他卦爲別處染災上須外感。

鬼在本宮家中得病在下三爻必是內傷症候不然病亦在內宮在外宮外方得病更在上三爻必是外感風邪不然亦是外科症候上下有鬼內傷兼外感症候不一。

上實下空夜輕日重。

鬼在內宮病必夜重鬼在外卦病必日重內外有鬼晝夜不輕若卦雖有二鬼一旺一空或一動一靜必日輕夜重或日重夜輕分上下斷之。

動生變尅暮熱朝涼。

見占動爻爲始變爻爲終若卦中動爻生扶用爻而變爻刑尅用爻者其病必朝涼暮熱或日輕夜

重也。動尅變生。反此斷。凡鬼爻化出所喜爻。所喜爻化出鬼亦然。

### 水化火。火化水。往來寒熱。

卦爻水動化火。火動化水。不拘鬼爻。但有干犯世爻。或主象者。皆是寒熱往來之症。卦有水火二爻俱動亦然。水旺火衰。寒多熱少。水受傷。火得助。則常熱乍寒也。坎宮火動。內寒外熱。離宮水動。皮寒骨熱。若帶日辰。必是瘧疾。

### 上衝下。下衝上。內外感傷。

上下有鬼。病必內外兩感。俱動俱靜。一同受病。二鬼自相衝者。適感而遂傷也。如內鬼動。衝外鬼。先傷後感。外鬼動。衝內鬼。先感後傷。要分輕重。以刑合斷之。可也。

### 火鬼衝財。上臨則嘔逆多吐。



火性炎上。財爲飲食。故占病遇火鬼動。尅外財。必是嘔吐。重則番胃不食。若財帶騰蛇。吐上兼蟲。財在間爻。則是消渴。易饑之症。

### 水官化土。下值則小便不通。

水官化出回頭土尅。在本宮內卦。是小便不通。屬陰。是大便不通。陽官陰象。陰官陽象。二便俱不通。若內卦水尅動。加白虎。陽爻是尿血。陰爻是瀉血。白虎血神故也。帶刑是痔漏。

### 若患牙疔。兌鬼金連火殺。

鬼在兌宮。口中病。若金鬼化火。或火化金鬼。必患牙疔。不化火爻。則是齒痛。金鬼逢衝。齒必動搖。

### 如生脚氣。震宮土化木星。

鬼在震宮。病在足。加勾陳。足必腫。加白虎。必折傷。破損土鬼化木。則患脚氣。木鬼酸疼麻木。水鬼必

是濕氣火鬼必生瘡毒金鬼是脚脛膝疼骨痛或刀刃所傷

鬼在離宮化水痰火何疑官來乾象變木頭風有準  
震遇騰蛇仍發動驚悸顛狂艮逢巳午又交重癰疽  
瘡毒

離宮鬼化水爻痰火症候水動化鬼亦然乾宮鬼  
化木爻頭風眩暈木動變鬼亦然震在外卦勿依  
此斷可言其病坐臥不安心神恍惚蓋震主動故  
也更加騰蛇發動必是癰狂驚癇之症小兒乃驚  
風也逢衝則有踰牆上屋之患艮象爲山山高故  
也更逢火鬼必患癰疽若遇變出土鬼可言浮腫  
盡脹等症餘可類推

卦內無財飲食不納

財主飲食動化官鬼其病必因酒飲食而得若遇空亡飲食不納若不上卦不思飲食財臨身世或化財爻雖病重亦能食

### 間中有鬼胃膈不寬

世應中間卽病人胸膈處也官鬼臨之必然痞塞不通金鬼胸膈骨痛土鬼飽悶不寬木鬼心癢嘔雜水鬼痰飲填塞火鬼多是心痛若化財爻或財爻化鬼必是宿食未消以致胸膈不利

### 鬼絕逢生病體安而復作

鬼在死絕爻其病必輕遇日辰動爻生扶謂絕處逢生其病必既輕復重將安復作也若財生鬼必因飲食加重或因婦人重合故耳

### 世衰入墓神思困而不清

世爻入墓。病必昏沉。此相有氣。無所懶于行。動衰。則不言不語。是怕明。暗不思食。愛眠。怕起。懶開目。更坐陰宮。必是陰。父入墓。亦然。世鬼入墓。鬼墓臨。皆依此斷。

### 應鬼合身。纏染他人之症。

應臨官鬼。刑尅合世爻。而世爻在交重之位者。必因探訪親友病。而纏染也。鬼爻屬土。是時疫。用爻臨應。必病臥他家。

### 世官傷用重發舊日之災。

大抵鬼爻持世。必然原有舊根。更傷用爻。必是舊病再發。否則必難脫體。須用保讓則吉。卦身持鬼亦是舊病。

用受金傷。肢體必然酸痛。主遭木剋。皮骨定見傷殘。

火爲仇則喘欬之災水來害則恍惚之症

卦中無鬼以刑衝尅害用爻者斷如金動來尅則木爻受傷支節酸痛木動來尅則土爻受制皮肉傷損餘可類推

空及第三此病須知腰軟

第三爻無故自空爲腰軟有故而空或旺相而空爲腰痛不空而遇動爻日辰官鬼尅衝者乃閃腰痛也動空亦然鬼在此爻者亦主腰痛

官傷上六斯人當主頭疼

上六大抵不惟鬼爻臨處受病被傷之處亦有病如尅上六當主頭痛尅間爻則胃膈不利餘可類推

財動卦中不吐則瀉

財在上卦動主吐在下卦動主瀉若逢合住則欲吐不吐欲瀉不瀉如嘔逆惡心東急後重之例

木興世上非癢卽疼

寅卯二爻屬木寅木主痛卯木主癢若在本宮內卦又是氣不順也

○病體

既明症候當決安危再把爻神搜索箇中之玄妙重加參攷方窮就裏之精微先看子孫最喜生扶拱合

子孫能尅制官殺古人謂解神又名福德占病又爲醫藥卦中無此則鬼無制伏主服藥不効禱神不靈所以先宜看此要生旺有氣不要休囚死絕日辰動爻生扶則吉衝壞則凶

次觀主象怕逢尅害刑衝

主象卽病人。如占夫以官爲主。占妻以財爲主。類又自占以世爲主。代占以應爲主。亦是主象。刑衝尅害卽病人受症候磨折。故怕見之。若得世爻生合爻扶持。必不至死。

世持鬼爻病總輕而難療

占病怕鬼持世。必難脫體。大象總輕亦不易愈。若用爻有氣子孫當權。目下雖可醫愈。日後必不斷根也。

身臨福德勢雖險而堪醫

用爻爲身。乃一卦之體。若得子孫臨之。決然無虞。總然病勢凶險。自可有救。以藥治之。必定痊愈。

用壯有扶切恐太剛則折

凡占皆喜旺相。惟占病則不喜。蓋人在病中。必衰弱。總或素所強健者。至此必瘦。何旺之有。故凡得時有氣。又遇動爻。日辰生扶者。乃太剛則折之兆。至生旺日。必凶。若動爻。日辰刑剋。則不嫌其旺相。主空無救。須防中道而殂。

主象若空。占病大忌。必得動爻。日辰衝剋。謂有救。蓋衝空則實。剋空爲用。故也。否則必死。

祿係妻財。空則不思飲食。壽屬父母。動則反促天年。

占病以妻財爲食祿。父母爲壽命。卦中不可無。宜靜不宜動。若主絕爻。或化絕地。財遇之爲祿絕。父母遇之爲壽絕。大象若凶。此爲死兆。卦若無財。或落空亡。乃是不思飲食。父母爻動。占病大忌。以其剋判福神。官殺能肆其虐。故也。主服藥不效。禱神不靈。故云反促天年。

主象伏藏。定主遷延乎日月。



用爻不上卦其病必難安蓋凡出現之爻日辰動爻能生能合若不上卦雖有生扶着于何地故其占如此病亦是恍惚朦朧不爽快之症

### 子孫空絕必乏調理之肥甘

子孫因爲醫又爲酒肉若在空中亡或臨死絕或不  
上卦其病必乏肥甘調理亦纏綿難愈若日辰應  
爻上帶子孫生合世爻用  
爻者必有餽送禮物資養

### 世上鬼臨不可隨官入墓

世持官鬼固非吉兆若遇日辰帶墓爻謂隨官入  
墓本命爻隨官入墓亦凶若世爻用爻化入鬼墓  
及世爻命爻帶鬼動化入墓者與用爻  
命爻世爻持鬼墓發動者皆主大凶

### 身臨福德豈宜父動來傷

占病以子孫爲解神。身若臨之。大吉之兆。如父母動來尅傷。仍爲不美。

### 鬼化長生。日下正當沉重。

鬼爻發動。病勢必重。若鬼化入長生。乃一日重一日之象。直過帝旺日。然後輕減。鬼在長生爻上發動亦然。若化衰病。一日輕一日。與福化長生皆吉。

### 用連鬼殺。目前必見傾危。

占病不宜用爻發動。動則病體不安。若又化出鬼爻。謂病人變鬼。卦中更無子孫日辰解救。必死無疑之斷。

### 福化忌爻。病勢增加于小愈。

子孫發動。制伏官鬼。其病必減。若遇化出忌爻。及來傷尅。用神者。必因病勢少愈。不能謹慎。以致復

加沉重。子孫  
化官爻亦然。

世撓兄弟。飲食減省于平時。

兄弟持世。飲食必減。其病亦是貪食而得。若不動  
又無氣。而卦中財福爻旺者。則不然。乃是氣短力  
弱之症。不  
易痊可。

用絕逢生。危而有救。

大抵用爻不宜死絕之他。以其一尅則倒故也。卦  
中動爻生助。謂絕處逢生。凶中回吉之象。病必將  
危有  
救。

主衰得助。重亦何妨。

用爻雖不宜太旺。亦不宜太弱。弱則病人體虛力  
怯。卒難痊可。若得日辰動爻生合扶助。最吉。終身

十分重病  
亦不至死。

### 鬼伏空亡。早備衣冠防不測。

官鬼一爻。固是惡殺。然亦不可無。蓋凡得症。因由症候虛實。疾病安危。鬼神情狀。皆決于此。若不上卦。卽當尋伏。庶可推測。若伏爻又空。其病必不能痊。總有良醫。亦不能達其病源。總有鬼神。亦無叩告之門。天年命盡。若病輕。不在此論。

### 日辰帶鬼。亟爲祈禱。保無虞。

日辰帶鬼。生合世爻。世爻看帶何等神。便知得何者。且如帶父母。必須經錄符醮。保扶則愈。如帶子孫。必須用藥調理。如帶兄弟。必須戒暴怒。節飲食。如帶財爻。必須好將息。帶官鬼。祈禱鬼神。世持鬼。亦宜先禱。但世鬼是先曾許下。日辰鬼是未曾許下。要知求何神鬼。有福力。以日辰推之。如子爲非。

斗或北陰或溺死鬼察其爲河伯或划龍船蓋亥中有甲木故也餘倣此

動化父來衝尅勞役堪憂。

卦中動爻化出文書衝尅世爻宜自在少勞碌不然病卽復來反加沉重若化財來衝尅須防食傷更加玄武宜防色復若化子孫尅衝被藥悞矣若化兄弟衝尅惱氣卽復也已上若日辰帶刑衝不可依此斷可言因此而復加沉重蓋日辰是鬼在也

日加福去生扶藥醫則愈。

日辰臨子孫生扶用爻必得藥力而安也。

身上飛伏雙官膏肓之疾。

凡遇卦身持鬼而本宮官爻又伏世下或世持官而本宮官伏用爻之下或自占遇世爻飛伏上

世云飛伏免  
卦中無之  
不害

下皆值官鬼。總謂雙官夾身。最爲不利。若  
大象不死。亦是沉困之疾。考終之患也。

### 命入幽明兩墓。泉世之人。

以日時看身。隨鬼入墓。命隨鬼入墓。世隨鬼入墓。  
有卦墓。鬼墓。世墓。主墓。凡遇動出卦中者。人皆見  
之。其墓爲明。變入墓中者。人所不見。其墓爲幽。不  
拘幽明。皆非吉兆。大象不死。病亦危困。若大象既  
凶。又逢墓動。或世爻主象俱入墓者。必  
死。得動爻日辰衝破墓爻。庶幾無事。

### 應合而變財傷。勿食饋來之物。

應爻動來生合世爻。當有問安之人。帶財福。必有  
餽送。兄弟清訪而已。若應雖生合。而變出妻財。反  
來刑世。尅世。或應爻生合世爻。而刑尅主象。僅有  
餽送。切宜戒食。否則反能傷害。若上尊長。尤宜忌  
之。或加應值妻財。爲變  
爻衝尅主象者。亦然。

鬼動而逢日破何妨見險之虞。

官爻發動其禍成矣。若得日辰動爻衝之。謂衝散主其病雖見凶。必不至死。忌爻發動遇衝亦吉。若不遇衝而得日辰動爻或合住。或制尅。皆是見險無虞之象。

欲決病痊當究福神之動靜。要知命盡須詳鬼殺之旺衰。

此二句乃言大畧。此處最宜活潑推斷。且如子爻得時旺相更動。就以本爻斷其愈。無氣發動以生旺日月斷若得子孫安靜不得地。賴有扶持爲福者。當以扶持之爻斷。如卦中不賴子孫爲福。而用所喜之爻相助以成其吉者。卽以所喜之爻斷。又如卦爻凶險遇殺神忌爻動來傷尅。得別爻衝散尅制。或合住救得惡爻無事。卽當以制伏惡殺之爻斷。若鬼爻忌爻雖動無氣亦無尅制而用爻

相不受傷尅者。又當以鬼爻墓絕者斷。若思之不動。用爻不傷。而但衰絕無氣者。當以用爻生旺之日斷死期。餘倣此。

### ○醫藥

病不求醫。全生者寡。藥不對症。枉死者多。欲擇善者而從之。須就耆人而問也。應作醫人。空則瞞亡而不遇。子爲藥餌。伏則扞格以無功。

凡占病。以子孫爲醫藥。占醫藥。以應爻爲醫人。子孫爲藥餌。如上請醫。應空。醫人必不來。發動生合。世醫必從命。動空化空。必然他出。尅世衝世。皆主不來。無子孫服藥無效。空亦無功。

鬼動卦中。眼下速難取效。



占藥要鬼爻安靜無氣爲吉。若遇發動其病正熾。雖有良醫妙藥卒難取効。休囚少可旺則愈。凶待鬼爻墓絕用藥方有功。或強服藥病必加重。

### 空臨世上心中強欲求醫。

世爻空亡必不專心求醫。無故自空決請不成。勉強爲之藥亦不効。如占服藥而世空者乃是藥不對症也。

### 言旺福衰藥餌輕而病重。

占藥官爻無氣子孫旺相藥能勝病。庶有効。若子孫休囚官爻反旺者乃是藥輕病重。雖或服之必不能奏功也。

### 應衰世旺病家富而醫貧。

世爲病家應爲醫家相合相生非親則反相衛相  
剋親不往來若應旺世衰病家貧乏醫必富世衰  
世旺反此圖

### 父母不宜持世鬼殺豈可臨身

卦身與世皆不宜臨官父二爻有所遇藥便不中  
父母持世可許經醮保禳鬼爻持世可禱鬼神護  
祐然後服藥方有驗

### 官化官病變不一

醫藥卦中遇官化官其病必有更變或  
症候不一或病勢不定用藥亦不見效

### 子化子藥雜不精

子孫乃占藥用神只喜一位出現有氣不空日辰  
動爻扶持卽上吉之兆若卦中重疊太過或子孫

重化子孫乃是醫不  
精用藥雜而無功也

### 福化忌爻誤服殺身之惡劑

世人皆疑海底眼誤服藥之句殊不知此說極有  
理蓋有動則有變變出父母回頭來尅變出鬼爻  
扶持官鬼變出兄弟藥不精潔變出官殺藥反助  
病子變子乃用藥太雜雜不能見效此所以不若  
安靜爲妙若變爻或傷世尅  
用者必致因藥傷命之禍

### 應臨官鬼防投增病之藥湯

應臨官必非良醫更來刑尅身世主象須防悞  
藥損人或化忌爻或化官鬼皆不宜此人之藥

### 鬼帶日辰定非久病

鬼帶日辰動出卦中者必是日下暴得之病若日  
辰雖是官鬼不現卦中則不然可言其病眼

應必須過此方可用藥。

### 應臨月建必是官醫

應持父母必是僧道家或兼執術應持兄弟乃景庸醫或先求藥價持財爻富貴醫人或女醫應臨子孫專門醫士或僧道應持太歲必是世醫持日辰而太歲刑剋者初學醫持月建是官醫更臨子孫用藥神効醫人老少以生旺墓絕推之。

### 世下伏官子動則藥雖妙而病根常在

大抵動爻日辰能生得剋得飛爻不能生剋得伏神蓋伏神隱伏之義占病遇鬼伏世下其病必不能斷根雖有子孫發動但能取効目前過後伏鬼旺相月日其病必再發。

### 衰中坐鬼身臨則病雖輕而藥力難扶

卦身臨鬼病不脫體衰弱無氣纏綿難愈淹滯之  
象世即相出現久臥牀褥雖有良醫亦無効世持  
及主象身臨持  
官墓者皆然

父若伏藏名雖醫而未諳脈理。

卦有父子孫不能專權固非吉卦中又不可無宜  
靜不宜動何也蓋人氣脈皆屬父母故占醫若無  
此爻必是草澤醫人雖能用  
藥脈理未明必以意度者

鬼不出現藥總用而莫識病源。

官鬼固凶殺然亦不可無出卦在卦則子尅制日  
辰刑制用藥有効若不上卦其病隱伏根因不知  
症候莫決率意  
用藥亦難取効

主絕受傷虛醫難救。

主象在休囚死墓絕之地而被日辰動爻乘旺所  
尅者其病必死雖有良醫亦無効主象變死墓空  
絕者亦然。

### 父興得地扁鵲無功

父母發動子孫受制藥必不効若得子孫有氣日  
辰動爻衝合父母救得有用庶幾可活然亦必須  
多服爲妙父化子  
孫亦是醫人太慢

### 察官爻而用藥火土寒涼

火土官爻其病必熱宜寒涼藥攻之金水官爻其  
病多寒必溫熱之劑治之然火必寒土必涼水必  
熱金必溫劑可也又如火鬼在生旺之地又遇生  
扶者必用大寒之藥攻之休囚死絕則用涼藥水  
鬼在生旺之地又遇合助者須用太熱之藥休囚  
死絕則用溫劑攻之如火鬼在陰宮陰爻乃是陰

虛火動之症可用滋陰降火之藥水鬼在陽宮內  
卦乃是血氣虛損之症可用補中益氣之藥宜通  
變餘  
倣此

### 驗福德以迎醫丑寅東北

凡古服藥看子孫何爻便知何處醫人可治如在  
于爻宜北方醫人丑爻東北方醫人類又如寅爻  
子孫五行屬木其醫是木傍草頭姓名  
或是虎命者雖非東北皆能醫餘倣此

### 水帶財興大忌魚鮮生冷

時為飲食資以養生然動則生助鬼爻反為所害  
若更屬水必忌魚鮮生冷藥始見功如值木爻忌  
動風之物忌值火爻忌炙燥熱物值金爻忌堅硬鹽  
物值土爻忌油膩滑物則如不動不可妄言又忌鬼  
爻生肖物如丑忌牛  
酉忌雞類餘倣此

木加龍助偏宜舒暢情懷。

青龍爲喜悅之神更臨木爻生合世爻主象病人必拋却家事放寬情懷然後服藥有效。

財合用神居外動吐之則痊。

財在外動主吐若得生合世爻用爻以藥吐之則愈如在內卦疎利爲妙若財爻動來刑尅世與主象在外則主服藥不納在內則主藥後發瀉也。

子逢火德寓離宮灸之則愈。

子孫屬火又在離宮宜用熱藥療之若在他宮又居外卦必用艾灸則愈如在內卦或雖在外而係本宮者皆依此斷。

坎卦子孫必須發汗木爻官鬼先要疎風。



子孫在坎卦發動不拘五行皆宜表汗官鬼屬木須散風邪用藥有效舉其一端五行八卦皆做此推之

用旺有扶宜再補

用爻休囚墓絕必是補藥方効若得旺相又有生扶合助須尅伐之藥治之若又補則反害

鬼衰屬水莫行針

子孫屬金利用刀針鬼爻屬水而用刀針則金能生水反助其勢病必加重土鬼忌用熱藥木鬼忌用寒藥火鬼忌用風藥金鬼忌用丸藥

福鬼俱空常不治而自愈子官皆動宜內補而外修

占病子官二爻俱空乃吉兆或俱衰靜無衝無併者其病自愈不用服藥若二爻俱動非藥不對症

乃是神崇間隔故無功必須服湯藥又祈鬼得痊俗謂外修內補也

### 卦動兩孫用藥須當間服

卦有二爻子孫發動用藥不必連服以其分權故也須多服見効或用兩般湯藥相間服之則効如占瘡疽瘡毒可言內用托裏外用敷貼

### 鬼傷二間立方須用寬胸

官鬼動來衝尅間爻必然胸膈不利須用寬中湯藥鬼在二間爻動亦然間爻逢兄弟發動則是氣不順也藥宜調氣

### 父合變孫莫若開門修養

卦中福爻空亡官爻衰靜若有父母動來生合世身主象者不須服藥更化子孫不若拋棄家事靜

養深山或入寺觀閉  
門修養勿藥自安

### 五興化福可用路遇醫人

子孫出現逢空而五爻變出子孫却不空者不須  
選求名醫服藥不如過路草醫反能治之若子孫  
不出現六爻不化出而日辰帶子  
孫生合者不意中自有意來治也

### 世應比和無福德須用更醫

世應比和卦無福德此藥無損無益服與不服  
只是一般須是更換醫人別求治療方可得痊

### 財官發動子孫空徒勞服藥

財官俱動其勢已凶子孫又空服之無益  
總有良醫必無功效不如不服之漸愈

### ○鬼神

徵福鬼神。乃當今之所尚禱爾上下。在古昔而皆然。不質正于易爻。亦虛行乎祀典。先看卦內官爻。便知鬼神情狀。

官鬼能爲實禍。能爲福祿。故觀此亦知其情狀也。

旺神衰鬼。方隅乾巽堪推。陰女陽男。老幼旺衰可決。

凡鬼爻旺相爲神。休囚爲鬼。陽爲男。陰爲女。臨長生。少年鬼。臨帝旺。壯年鬼。臨衰墓。老年鬼。胎養。小兒鬼。乾宮。西北方。巽宮。東南方。鬼也。

若在乾宮。必許天燈斗願。如居兌卦。定然口愿傷神。坎是止朝。艮則城隍宅土。離爲南殿。坤則土地墳陵。

震恐樹神。或杖傷之。男鬼巽必縊死。或癰仆之。陰人  
八宮仔細推詳。諸鬼自能顯應。

此以八卦推之。乾象爲天。鬼在此宮。值火。許點天  
燈類。金鬼亦然。木鬼許放風箏。子丑二爻。許拜土  
斗。坤土屬陰。故是坎陵土地。艮土屬陽。故是城隍  
宅土。離居南。故推南殿。坎子地。故推北朝聖衆。震  
爲木。故樹神。帶白虎。或自刑。則杖死之鬼。巽爲繩。  
故主縊死之鬼。不帶騰蛇。或非刑爻。則是風症死  
者。兌爲口。故有呪咀口願。又屬金。故推傷神。蓋乾  
三連。是渾成之金。兌象上缺。是傷損之金。故以兌  
爲傷神。而不  
以乾爲傷神。

阻勾陳。必有土神見礙。如臨朱雀。定然呪咀相侵。  
虎血亡。玄武則死于不明之鬼。青龍善願。鑒此則

犯乎施相之神

此以六神推之。勾陳職專田土。尾父臨之。乃是上神爲禍。朱雀爲口舌。故有咒咀。白虎爲血神。故有帶血女傷。居陽則凶。暴惡死之鬼也。玄武是幽暗。故有不明死鬼。化兄弟。或從兄弟化出。則是盜賊。青龍是喜神。故有善愿。騰蛇推施相之神。今俗禱謝。必以麩作小蛇。獻之取驗。

金乃傷司。火定竈神。香願木爲枷鎖。水爲河泊江神。

此以五行推之。金主刀兵。所傷之鬼。旺是傷神。衰是傷司。部衆火鬼在二爻。是竈君。其餘香信。本宮內卦是本境土地。神佛香愿。他宮別境香愿。在六爻。遠方香信。在五爻。途中所許。持世當境。社會中香愿也。午火衰弱。必是燒死之鬼。木鬼東方神鬼。化金。或從金化。是械鎖鬼。帶騰蛇弔死之鬼。木化木。又加白虎夾死鬼。水鬼旺相。江神河泊。衰弱落木鬼。在震巽二宮。或木化水。必是船上墮水死鬼。

若見土爻當分厥類。

土爻臨鬼陰是陰土陽是陽土。在震巽二宮。或從木化皆然。或樹頭土。臨應衝世。或日辰帶土鬼相衝相尅。是飛來土。若日月動變皆帶土。五方土也。

鬼墓乃伏屍爲禍。財庫則藏神不安。

鬼爻屬金卦有丑動是鬼墓。妻財屬木卦有未動是財庫。他倣此。二事見家宅訣中。今不盡述。然不傷世則不爲禍。

修造動土。必然殺遇勾陳。口舌起因。乃是土逢朱雀。

此亦言土鬼也。加勾陳必因修造動土。以致不安。在初爻穿井不安。二爻作竈動土。三爻因修門動土。五爻路邊動土。六爻離邊墻下動土。爲宮門池動土。長官築墻動土。坤宮造坎動土。爲宮門。

武坑廟動土已上若臨朱雀則是動上時。暗有口舌兇咄或多月惹事以致爲禍。

或犯井神水在初爻遇鬼或于司命火臨二位逢官若  
在門頭須犯家堂部屬如臨道上當求五路神祇  
四遇世衝鬼必出門撞見六逢月合神須遠地相干  
此以六爻推之也初爻水鬼并泉童子不安二爻  
火鬼竈神見責三爻爲門官鬼臨之當犯家堂香  
火四爻爲戶若遇官鬼世衝世必曾出門撞見鬼  
祟五爻臨金鬼五道火鬼五聖木鬼五郎咤衆木  
鬼五路神司衰弱則道路邊鬼在六爻定  
遠方鬼月建日辰生合乃天神中有願

鬼尅身冤家債主身尅鬼妻妾陰人我去生他卑幼  
兒童僧道他來生我祖宗尊長爹娘若無生合尅刑



必是弟兄朋友。

此以卦身推之。鬼生卦身爲父母。卦身生鬼爲子孫。鬼尅卦身爲冤仇。卦身尅鬼爲妻妾。二者比和爲兄弟朋友。陰爻是妯娌姊妹之鬼。子孫小口卑幼之鬼。父母尊長祖宗之鬼。財爻妻妾陰人之鬼。惟鬼尅身。冤家債主之鬼。必難退遣。病亦未易安。

刑不善終。

鬼帶刑爻。必非善終之鬼。辰是牆壁壓死鬼。午是湯火燒盡鬼。酉是刀箭所傷鬼。亥是投河落水鬼。寅或虎噬。巳或蛇傷。戌或犬咬。丑或牛觸。旺則爲神道。劉郡王猛將之神。

絕則無祀。

鬼不上卦。着伏何爻下。便知是何鬼祟。如伏父下。爲家先。伏福下。爲小口類。若伏空下。乃是無收管。

之鬼是孤魂野鬼若  
臨爻乃無祀之鬼

### 如臨日月定然新死亡靈

卦無官鬼而日辰是鬼者必然新死亡人爲禍若  
日辰是鬼而卦中又有鬼必因祈禱而近日新許  
之願未酬

### 自入墓刑決是獄中囚犯

如未日占卦得木爻官鬼謂鬼自入墓必是死于  
囹圄囚人之鬼更帶刑爻必死于非命或死于塚  
墓間者旺相發  
動則是廟神

### 傍爻財合必月下之情人應位弟生廼社中之好友

財爻動合鬼爻或財化鬼鬼化財自相作合者必  
與病人私通之人爲禍若被世剋而帶玄武乃因

奸致死之  
鬼餘倣此

化出鬼及臨玄武則穿窬之鬼變成父母遇騰蛇則

魘魅之精

鬼動化出六親即以化出者斷如化兄爲朋友兄  
弟妯娌姑嫂類若化鬼加玄武必是盜賊化父母  
是伯叔六親加騰蛇乃是其家屋中匠人作魘到  
出現以致人不安父化官雖非騰蛇亦是匠人  
作

太歲鬼臨乃祖傳之舊例日辰官併是口許之初心

若太歲日辰俱帶鬼則日  
下許酬祖例尚未完其中

持世則未酬舊願伏爲有口無心變財乃不了心齋

空則有頭無尾。

鬼爻持世亦非舊例。乃是先曾許過口願未得酬也。若無鬼世下却伏本宮之鬼亦是舊欠。但是有口無心。再不介意。故致愆責。若鬼爻化出妻財必齋修不了。土爻之欠或破戒不淨。變財空亡。心雖許而口不戒。有頭無尾也。

鬼在宅中。住居不穩。官臨應上。朝向不通。

內卦第二爻爲宅。若動鬼臨之。宅不安。常有病。若衝剋之爻或應爻臨鬼。其宅朝向不利。宜改。

兌卦金龍干佛像。

兌西方卦。佛又金身。故遇兌宮金鬼。神佛中必有善願。帶青龍勾陳。粧塑帶騰蛇。是欲圖畫化父。是描寫不然。則是經文。若化財福。是然修捨。

坎宮木動犯划舟

木在坎宮發動。舟楫之象。必划龍船上。三相公見咎。送之則吉。若艮巽卦中。水鬼降。青龍動。及木化水。水化木。鬼在水上。皆是。

水土交加。在乾宮則三元大帝。火金互動。于兌卦爲

五道傷官。

三官。天地水三官。乾宮土化水。水化土。而遇官爻者。是其象。五道是刀劍之神。在兌宮互相發而遇官爻者。是其象。

三空無香火之堂。

是占病遇三爻空亡者。其家不供香火之堂。動空化空。似有若無。旺相空亡。供器不全。餘見家宅集。

怪動有不祥之禍。

怪爻季是兩頭居。初與六爻是。仲月逢之二五隨。孟月只宜三四是。動爻成怪。靜無之。臨父母。必有怪器。加玄武是盜人之物。凡遇此爻動。雖非鬼爻。必是怪事。騰蛇又動。臨鬼爻。然後可言有怪。

龍遇文書。獨發經文可斷。

凡占有何鬼神。不持鬼爻斷。獨發之爻亦可推。如父母獨發。祖宗求祀。臨青龍。則有善願。經文本宮鬼爻。又伏世下。而在胎養生旺之地者。必有新死亡人。討求經懺。薦度也。伏鬼居水。棺尚暴露。空則然不。

蛇逢官鬼。屬陰夢寐當推。

鬼臨騰蛇。必有虛驚怪異。若在陰宮陰象。則有夢寐。衝尅世爻。用爻。必夢中所見神祟。騰蛇臨鬼動。

則是弔死鬼。

動入空中值鬼恐失孝思之禮。

官爻動空化空皆主先亡中有失禴祀或逢忌日不設祭也若在他宮外卦則是眷屬中曾有祀禮今却除之不設其位或曾餽送楮帛今無之皆有此象。

靜居宅上臨木家停暴露之棺。

木爻官鬼靜臨二爻或木鬼伏于父母下其家必然停柩在堂舉之則安衰則座席起之家宅安泰依此斷萬無一失。

○種作

農爲國本食乃民天五穀不同孰識異宜而佈種一

年所係全憑卦象以推詳旺相妻財豐登可卜

妻財遇占農之本不拘種水阜物先看主爻現與不現有傷無傷便知凶吉若得出現旺相有生無損主其年必成熟然此一爻雖不可無亦不宜動動則官鬼有氣終有損耗若得變出福爻則吉

空亡福德損耗難憑

子孫為福德三三之輔爻最喜生旺發動為吉若遇空亡則財無生氣官鬼官權定多損耗財爻總旺亦不能全收若得官爻亦不上卦或落空亡庶幾小吉如福德空三三財爻衰弱受傷虛度一年徒勞工本決無成望旺空動空主半收半熟

父母交重耘耔徒知費力

父母為辛勤勞苦之神動則必主費力多用耘耔大要衰弱臨持身世若旺動財雖有氣亦減分數



蓋子孫被其傷尅故也。  
若在空中避之地爲吉。

兄爻發動年時莫望全收。

兄弟劫財占種忌爻大怕發動總得福與財旺亦非全熟年時若臨世主治田之人種作不精不然欠工本也。

鬼在旺鄉遇水神禾苗渰腐。

鬼爻發動所種之初必有損害若臨水爻其田必破水淹衝尅身世蓋必爲淹腐也更逢月建日辰動爻生扶當有洪水橫流之患化出福爻生合鬼後重生長化出火來刑尅恐澇後又遭大旱有救雨離冬無事。

官居生地加火殺而稼穡焦枯。

鬼在生旺之地而臨火爻動者。必主缺水。德德鬼。恐有焦禾殺稼之禍。有制伏。雖旱不妨。變出火爻。刑尅身世。旱後必有苦雨淹沒。

### 土忌尅身。水旱不調之歲。

土鬼發動。必主水旱不調。尅世。必有傷損。化火。缺水時多。滋潤時少。化水。淹沒時多。乾旱時少。蓋土能瀉火之氣。制水之勢。故也。又主里社里社典災。須祈禱則吉。否則田地荒蕪欠熟。

### 金嫌傷世。螟蝗交括之年。

金鬼發動尅世。有蟲傷。應臨及六爻。或五類中化出者是。蝗蟲不傷身世。財又財不動。乃經過此地。不爲害也。

### 木則風摧。靜須穀糶。生扶合世。方許無虞。

木爻發動。傷尅世身。所種物必遭惡風摧挫。若化水爻。或水化木爻。或與木爻同發。當有風潮顛沒之患。木鬼不動。亦主虛耗。蓋木爻五穀主星。更若福靜財衰。必主苗而不秀。或秀而不實。財福動空。化空。俱是虛耗空好看之象。火持鬼爻。與土金鬼爻。安靜。被動爻。日辰傷尅衝併。皆有虛損。如綿花暗蛀。菽豆延口。  
荸薺腐爛類。

二爻坐鬼必難東作于三春。五位連官定阻西成于

八月。

以二爻爲種作始事。五爻爲收成之事。第二爻爲內卦之主。第五爻爲外卦之主。畫卦自下而上。種作自春而秋收也。以爻象言之。初爻爲種子。二爻爲秧苗。三爻爲人力。四爻爲耕牛。五爻爲成熟之日。六爻爲百事之天時也。凡遇鬼在初爻。種子不對。或多敗壞。鬼在二爻。難以耕種。或因四節失時。

秧苗有損。鬼在三爻。農力不到。欠工。鬼在四爻。必有病。難以耕。鬼在五爻。收成有阻。鬼在六爻。收時天氣不順。內卦無官。方大吉。二爻五爻若被日辰刑傷衝尅。其種作廢。成之時。必有阻。節失宜。更看何爻傷尅。便知何事阻之。如兄弟爲口舌。官鬼爲官訟類。且如四月丙戌日。卜禾。得大過之困。卦。西官動。變午火。旱之兆也。日辰帶財。尅制二爻。後將插時。果爲陰人少財而去。踰三四日而天則亢旱。難用矣。此上海孫西疇所卜。依此斷。萬無一失。

### 初旺則種子有餘

初爻旺相。種子有餘。衰則不多。空則欠少。占種旱物。二爻空者。主重種。動空化空者。出後有損。三爻旺相。人齊力到。休囚空絕。芟鋤欠工。已上俱要生扶。皆嫌傷尅。若卦有子孫。而初爻空者。種必不出。非無也。二爻空。秧必缺少。

四空則耕牛未辦

四爻旺相牛必強壯衰則不濟空則未有兄化鬼  
鬼化兄與人合牛空動化出子孫或化丑爻而與  
應爻作合多是租佃他人之牛也五爻空亡收成  
多阻更遇財福死絕兄鬼旺動者大凶之兆所望  
一空必無收穫六爻空亡必有驚怪非常之變  
蓋天無空脫之理故也餘以應爻同看極有準

應爻生合世天心符合人心

當以應爲天以世爲地應爻生合世爻治田遇好  
天衝尅世爻則凡有所作爲非風雨即雨如丙子日  
子卜棉花得无妄之訟卦應爻衝尅世爻自始至  
終凡遇耘耕收穫輒遇雨木常得快作幾日也

卦象疊財爻多壅爭如少壅

卦中財爻重疊太過不宜多加壅壅財爻無虞不  
空兄弟卦中不動而遇子孫發動者多壅多收少

壅少收無  
壅無收也

### 日帶父爻一倍工夫一倍熟

父母若臨日辰或坐世上必主辛勤勞苦若非勤  
作決上少收蓋一倍工夫耘耔則有一倍熟也十  
旺動父死絕則不  
費工夫而自熟

### 財臨帝旺及時耕種及時收

凡遇財在胎養長生爻上不宜種作太蚤蚤則不  
利遲則少收矣蓋胎養長生一日有無一日雖遲  
不妨帝旺雖有無過此則一日衰一日  
故宜蚤種在帝旺衰爻上不宜種遲

### 要知終始吉凶但看動爻變化

動爻變財福吉變兄鬼凶兄化兄偷盜損折鬼化  
鬼蠹害殘傷父化兄鬼辛勤不熟父化財福辛勤

有收財化兄子化官始則暢茂終則空虛兄化財  
官化子先遭傷損後必稱意五爻財旺化兄爻年  
穀豐登而價賤

### 欲識栽培可否須詳子位持臨

凡占種植何物以子孫推之如臨金水宜種水物  
臨火上宜種旱物臨木爻水旱皆宜子孫能生財  
尅官故不看財若不上卦方以財論

### 世值三刑農須帶疾

世爲治田之人被日辰動爻刑衝尅害者最爲不  
利如則爻傷尅必有陰人財物事福爻傷尅必有  
小口六畜僧道事故有妨農事兄弟爲口舌爭鬭  
父母爲尊長文書屋宅事情官鬼爲病訟火盜劫  
若帶白虎三刑農夫必然帶疾世持官爻亦有疾  
否則必有職役在身加朱雀恐是官訟世持父母

慣知農業持兄弟必欠工本或種作不精持財  
或得財生福合皆大吉自空化空農夫有大難不  
然其田必種不成種亦必不利也

### 爻逢兩鬼地必同耕

凡上種作卦有兩鬼出現其田必與人合種世爻  
空動而鬼臨應上動來作合必有人包種此田日  
辰帶鬼爻合作亦然世爻空亡而  
被兄弟衝併皆是包攬與人種也

### 父在外爻水輔地雖高而潮溼父居內卦日生田固小而膏腴

父母爲田段在外卦其田必高在內卦其田必低  
生旺田肥墓絕田瘦臨木田形必長臨土田形必  
短臨火是乾旱地水是潮溼地金是白沙地日辰  
衝剋人不顧戀日辰生合必是好田大家要種依



此斷之萬  
無一失

# 父化父一丘兩段。

父動化父必是一丘兩段之山。卦有兩父亦然。或是種作兩處。卦身出現重疊亦然兩處耕種。

# 衝併衝七坎八坑。

日辰動爻尅衝父母其田必不平坦。非七高八低。則主人不照顧。田不值錢。或六畜損傷。或行人蹙類踏。

# 陽象陽爻此地必然官斗則。

父丹在陽宮陽爻是官田。在陰宮陰爻是民田。若陽宮陰爻元官田。今收民田。陰宮陽爻元民田。今收官田。斗則也。

或空或動其田還恐屬他人。

父母空亡田種不成否則必非已產臨世發動其田必有更變化入空亡或空合應爻當賣與人世臨勾陳動亦主田有更變○此一節百發百中無不應驗如乙亥日卜種水田得既濟之屯卦父母空亡果種不成又如卜種麴麥得姤之乾卦世上父動化空至正月果被原主回贖又如辛亥日卜觀之訟世上父母動化出午火生合應爻又遇官鬼丑動遂與鄰人構訟其田果應賣與他人又如癸巳日卜顧之噬嗑世臨勾陳土財發動其田果因田主自種而不得成也。

坐落胎養開闢未久。

父母安靜若遇卦中胎養爻動來衝起者乃是新闢之田父在胎養動亦然否則必是新置者若父持大歲月建乃是祖遺產業卦無父母從世化出自已置買若財化出妻家粧奩從兄化出令戶之

田從鬼化出官家田地不然乃官  
斗則也應爻化出必是他人之田

### 變成福德溝洫分明。

父母動出于孫必然溝洫分明其地亦善化財亦  
吉其田必得高價化凡田不值錢或未分析或與  
他家之田合段若係卦身則是與人合種也化官  
其田不美分五行取之如化金鬼必多瓦礫化木  
鬼必是雜草化水鬼溝道不明水難泄瀉化火鬼  
必有屍骸燒化或蕩田或廢宅化上鬼必有伏尸  
古墓或溝塍畦畝莫辨或浮土難爲耕種或有六  
畜踐踏或官吏人田否則不然也化官空亡不妨

### 若是坎宮必近江湖之側。

父在乾宮其田必高總在內卦亦非洼下低田父  
在坎宮田必傍江河父在離宮田邊審治父在艮  
宮田在山林左右父在震巽宮田邊必有樹木父  
在坤宮田在郊外田心之田也父在兌宮田邊有

官溝或傍池沼或以八方定其種所

# 若伏兄弟乃租鄰里之田。

此條爲租種而言。若父母出現看父爻本官所伏之神則知何人家之田。如官伏父下爲職役人家田之類。卦無父母須看伏在何爻下則可知矣。如伏兄下爲鄰里人家之田類。若無父而動爻有化出者卽是其人之田也。如財爻化出婦人之田餘倣此。

## ○蠶桑

旣言種植合論蠶桑採飼辛勤只爲絲綿而養育吉凶眩惑因憑卜筮于蓍龜

蠶桑一占諸家皆忌坎宮之卦意以坎象屬水故也殊不知育蠶惟以春季何忌之有凡占蠶當以

財福為主。不須以卦宮論。

初論火爻得地則蠶苗必利。

凡占蠶必看火爻者。蠶爲蜀女所化故也。昔蜀人殺馬曝皮于庭。忽掩其女飛去。挂于桑上。遂化爲蠶。食葉作繭。後人取其繭爲絲。遂傳其種。塑女像以祀之。名馬頭娘。卽是蠶也。故諸家皆取巳午爻爲蠶命。卦無火爻。蠶必不旺。出現發動。乃爲吉兆。更臨財福。或持身世。大吉之兆也。

次尋水位。當權則寒。淫多災。

大抵蠶性喜乾惡溼。喜熱惡寒。自蟻至繭皆然。故育之者。則有火倉之制。惟易書不離此義。所以占蠶遇水爻當權發動。必有寒淫之病。其蠶必難旺盛。若或空伏死絕皆凶。可依此斷。

福德要興。更喜日辰扶助。

子孫爲蠶命卦中用神也。有炁發動。蠶必興旺。得日辰動爻生扶合助。大吉之兆。雖有鬼爻亦不妨害。古人云。有人制殺。雖動無妨。惟怕父母及日辰刑傷。蠶必有損。又子孫宜臨火土二爻。木爻次之。大忌金水爻。

### 妻財怕絕。尤嫌動象刑衝。

占蠶以財爲絲綿桑葉。凡遇休囚死絕。或日辰動爻刑衝尅害。利必微薄。更若子孫衰空不動。必無好繭。亦無好絲。又主葉缺。須得生旺有炁。不受傷尅。大吉。

### 兄弟扶身。葉費而絲還微薄。

兄弟發動。必主多費桑葉。又主其年葉貴。尅世傷世。必然缺餉。異日作繭必薄。絲綿必少。最不宜持旺相。亦不稱心。

父母持世心勞而蠶必難爲。

父母傷子蠶必難爲。不易養育。須看五行。則知有何傷損。當依官鬼同斷。若臨身世。雖或安靜。亦非佳兆。然父母又勞勤之神。衰靜空亡制伏。庶幾蠶苗不勞自旺。否則必費收拾。倍加勤勞。然後可望三分。雖日月不宜值之。

五行如遇官爻。必遭傷損。

官鬼發動屬金。蠶必多食桑葉。或有霧露衝絕。以致蠶多殭死。屬木。桑葉必費。或門廳不謹。蠶冒風寒。以致落簇變蛹之類。屬水。須防鼠耗。或食溼葉。以致蠶瀉。或火倉不熱。以致寒溼相承。蠶苗遲長。屬火。尅世。須防火災。不然。則是火倉太熱。不通風氣。或晒照閃燥。以致蠶眠遲起。慢頭黃難脫之病。屬土。及鬼寒。暖失宜。飼葉不勻。眠起不齊。或分棹遲緩。以致蠶沙發熱蒸傷。若鬼臨太歲。常有常例。

未還。日辰帶鬼。衝起世爻。或日辰值鬼發動。或太歲動變是爻。或世持官鬼。皆有願心。祈之則吉。

### 一卦皆無鬼殺方始亨佳

占蠱以初爻爲蠱種。臨財福。蠱種必好。蠱出必齊。臨死絕。必不齊。臨父母。一半出。臨鬼死絕處。已變亦不能出。二爻臨鬼下。蟻得必難長盛。雖已黑其頭。亦有損害。臨父母亦然。若動而化出。則頭眠起。後有損。三爻臨鬼。停眠時有損。若三爻得吉神生扶。二爻遇凶煞剋制者。始雖不旺。至此日則盛。四爻臨鬼。蠱女人眠。必多損失。無過自空。前功俱費。臨財化空。食加而葉缺。五爻臨鬼。上箔有損。鬼帶水爻。簇汗。鬼帶木爻。必多遊走。鬼帶土爻。必多腐爛。鬼帶金爻。白殭死。鬼帶火爻。蘭必輕薄。六爻臨鬼。絲必難織。蟻必難出。已上六爻。須當互看。大抵皆怕空絕。皆要財福。皆忌官父持剋。

### 日主衝身切忌穢人入室



世身遇日辰相衝或應爻動尅須防穢汚人帶魘入室觸犯蠶花以致變壞世帶水土動衝子孫乃蠶婦自身不潔非他魘也

### 世爻合應必然汚婦臨蠶

世爻爲養蠶婦墓庫老年婦胎養長生少年女子臨太歲財爻必是慣家臨子孫必然精製臨兄老年懶餽臨父母雖多辛勤然恐多傷蠶苗臨官鬼蠶姑必有病世爻無故自空或化死墓絕空蠶姑當有大難不然必懶于擡飼若帶自刑身亦病臨胎化胎必有孕日辰相衝將及分娩若與鬼爻應爻及日辰作合者蠶婦必與外人有情遇有衝尅其事已露世在陽宮又臨陽爻是蠶主淫亂非蠶也

### 子受暗衝每遇分擡須仔細

子孫爲蚕身。出現不動而被動。爻日辰暗衝者。王分擡時不加仔細。蚕多傷損。蓋衝福之爻。不遇父母官鬼。非吉神故也。動而逢衝。蚕多遊走。無衝然後爲吉。

### 財逢傷尅。凡占物價必騰增。

凡占葉價貴賤。但看財爻。若遇動爻。日辰相尅。去後必然葉貴。或財空亡。或衰無氣。或化入死墓空絕。皆主葉貴。若財爻旺相。兄弟不動。則葉必賤。凡遇兄弟發動。葉必不孚。

### 兄弟值空亡。絲番白雪。

凡遇財福旺相。豐稔可推。然有兄弟父母官鬼亦難許爲吉兆。必得三者死絕空伏不動。方成大吉之象。則蚕無所傷。利有所望。而絲亦好也。

### 卦身臨巳午。繭積黃金。

巳午臨身。蚕命得地。更會財福。大吉之卦。世爻臨之亦好。

父動化財。不枉許多勤苦。

父動。尅子。本非吉兆。若化財爻。則主辛勤。終有成望。化子亦吉。父化父。廣養薄收。父化官。徒自辛勤。必多傷損。父化兄。兄化父。鬼化父。財化兄。日後必賤。財化鬼。子化官。先吉後凶。如蚕雖旺。入箔則多。變爛類。兄化兄。則主折本。

官興變福。亦遭幾度虛驚。

官鬼發動。必有損耗。若化子孫。庶幾無事。亦有虛驚。鬼化財。雖損有收。父化財。亦然。兄化財。多費桑葉。則有利。子化子。蚕不旺。財化財。絲必薄。子化財。財化子。則稱心也。大抵子孫太過。財又無氣。多養少收。子孫旺相。財又太多。多收少價。子孫死絕。財又太旺。葉多蚕少。財又死絕。子孫太旺。蚕多葉少。

若官父兄重疊太過反不妨也。

卦出乾宮。若養夏蠶偏吉利。

乾兌宮卦。子孫屬水。其性體逆。春蚕必難興旺。故利夏蚕。蓋春與夏不同。春蚕怕冷。大忌水爻。夏蚕要涼。不忌水爻。春蚕若冷。多病難養。夏蚕若涼。少病易旺。所以夏蚕宜子孫屬水。

母居刑地。如言蠶室定崩摧。

蚕房以父母論。生旺有氣。脩治整齊。死絕刑害。崩損破敗。帶水自刑。蚕室必漏。水化父爻。父化水。皆作前斷。看臨何爻。便知何時有雨。如在初爻。生蟻時多被陰雨傷蚕。餘倣此。

蠶親獻功。三合會財福而旺相。卦宮定位。六爻隨動。靜以推詳。

卦有三合。最怕會成父兄官局。大爲不利。蓋會起之爻。不論四時。皆爲有氣。以被二爻扶持故也。旺相遇之。其勢愈甚。故占蚕得三合財福二局。大吉之兆。更若凶殺有制。可作十分吉斷。

### ○六畜

道形萬物。理總歸于一心。易盡二才。占豈遺乎六畜。惟能精以察之。自得明而着矣。

凡占六畜。專以財福爲主。不可依諸家以分宮本命斷推。蓋本命分宮。古人爲家宅內看吉凶。故立此例。今人不究其理。雖止占一物。亦以分宮斷之。則失其旨。學者詳之。

命在福神。若遇興隆。須長養。

禽虫六畜之命。皆屬子孫。旺相有氣。不空。必長。養易大。休囚墓絕。決然不濟。若不上卦。或落空亡。

未買勿置  
已蓄勿蓄

利歸財位。如逢囚死定輕微。

大抵此占。惟牛馬爲力。其他爲利而占。然力與利同歸財爻。最怕休囚死絕。去後財利必薄。雖力氣亦不多。旺相不空。方爲大吉。

二者不可相無。一般皆宜出現。

無福則難養。無財則利少。財福不空。俱出現。禽虫六畜總相宜。

財旺福衰。雖瘦弱而善走。財空福動。總遲鈍而可觀。

凡占牛馬子孫爻旺相主肥。休囚主瘦。動則強健。靜則必有可觀。財爻旺相則主有。又主善走。後亦有益。休囚則無力而不善走。亦不清。財若空亡。愈見遲鈍不清。

財若空亡。雖利暫時無遠力。

財爻發動。亦是善走之象。但不宜化入空亡。則主有頭無尾。先勤後惰。必無久遠之力。若財爻旺空動空。又是用不兩全之象。非無長力。如牛則善車馬。不善犁耙。馬善疾行。不善緩行類。

福臨刑害。若非麟鼻定凋肥。相合相生。

子孫爻帶自刑。或化敗病等爻。其畜主有破相。如麒麟穿蹄破脊。單照類。

必主調良且善。相衝相尅。定然頑劣不馴。

子孫生合世爻。六畜馴善。于我有益。若來刑衝尅害。必主性劣不馴。如牛則縮車縮犁。馬則前失後失類。

要知蹄足身形。須看臨持八卦。欲別青黃白黑。須看

# 生尅六神。

乾爲頭坎爲耳震爲前足艮爲後足巽爲腰離爲目坤爲腹兌爲口青龍色青白虎色白朱雀赤玄武黑勾陳騰蛇色黃凡占以子孫所臨爲本身顏色以他動來生尅者斷別處有異色如子孫臨玄武在乾宮而被坤宮動尅之乃是黑身黃足若被艮宮白虎動尅可言黃身白足他倣此凡尅處多子生處衰處少于旺處自宜通變。

## 陰陽有雌雄牝牡之分。

馬曰雌雄獸曰牝牡以子孫屬陰屬陽如陽爻子孫占牛爲牡牛占馬爲牝馬騾爲牝騾類。

## 胎養爲駒犢羔雛之類。

馬子曰駒牛子曰犢羊子曰羔鷄鴨子曰雛凡遇子孫在胎養爻上必是此類若以口齒長生是二



齒冠帶四齒帝旺是  
斬齊口墓庫則老矣

身生子胎必是受胎之六畜。

如占牛子孫在胎爻上必童牛自生子孫在胎爻  
上則是牛有胎原非童牛也。化出胎爻或子孫衝  
胎動于卦中者亦然。子  
化子則是子母牛也。

福臨鬼墓須知有病于一身。

福臨鬼墓畜必有病如臨病爻  
或被上鬼衝剋皆主有病也。

父動有傷子絕則徒勞碌。

父母發動必傷用神必有損失更遇子孫絕無氣  
必主死亡雖能收養亦徒勞碌得子孫在空避之  
地方  
爲吉

元興不長。財空則反生扶。

兄弟發動。六畜不長。若得財值空爻。不受傷。尅。則反生扶子孫。其畜必然。易養利亦不失。

世若空亡。到底終須失望。

世爻無故自空。必不稱意。大象若凶。則有大難。

鬼如發動。從來弗克如心。

鬼爻發動。占畜大忌。或六畜自有疾病。或因事而起禍端。日後必不如願。詳其于下。

逢金生旺。當慮嚙人。值土交重。須憂病染。

金鬼發動。有蹠脾之患。若尅世爻。必難觸犯。世爻更絕。必被傷人。木鬼發動。主有草結之病。若在外。卦毛色不善。更加螻蛇。必有惡毛。旋螺有碍。相木。水鬼發動。主有寒病。如激心。黃濁薄糞之類。火

鬼發動必主畏熱或有熱結病類土鬼發動須防瘟病類或曰鬼在初爻足有病在二爻臂臂有病三爻腰股有病四爻前脾背脊有病五爻頭項峯領有病六爻頭上有病若在震坎二宮上橋下水皆宜仔細

### 官加蛇雀必因成訟成驚

日帶騰蛇發動異日此畜必有怪異驚駭若臨朱雀必因此致口舌爭訟臨玄武防偷盜臨白虎防跌蹶如七月乙巳日因鷄瘟卜得噬嗑之頤卦日辰併起子孫果應不死後因夜啼而妻病作予初不知及後八月收養蜜蜂壬寅且卜得屯之坤卦兄鬼發動卦無財凶不必言未半日羣蜂滿身攢聚驚惶無措因驗之乃知前者騰蛇鬼動而鷄夜鳴今亦騰蛇鬼動而致此異也兄孟月四爻仲月五爻正臨怪爻發動所以然也自後履驗皆應始知騰蛇真怪異之神也

福變兄財。可驗食粗食細。

子孫化出兄弟。主口嬌食細。化出財爻。主食粗口難。

財連兄弟。乃獨參之失時。

子化兄。是口嬌不食。財化兄。乃人之參養失時。以致饑餓。非不食也。

子化父母。必勞心之太過。

子孫發動。其畜必良。若化父回頭來尅。又是人不愛惜。過勞力以致其傷。

福連官鬼。須防竊取之人。鬼化子孫。恐是盜來之畜。

子孫化鬼。其畜日後必然被人盜去。否則必主病死。若官化子。則主其畜是人盜來者。生世合世。必有益益。衝世尅世。必受其累。然必卦中元無子孫方可斷。

官兄交變難逃口舌之相侵。

卦中兄動變鬼鬼變兄或二爻俱動必因此畜而有是非口舌若文書亦動必然成訟世爻入墓恐有牢獄拘禁之禍。

日月並刑豈免死亡于不測。

月建日辰動爻帶殺俱來刑尅子孫而無救者必死要知何故爲死以刑尅子孫者斷如金爲蹢躅死木爲草腐死水爲寒凍死土爲瘟病死如鴛鴦等則丑爲牛踏寅爲鷹搏申爲狐竊戌爲犬咬死類若被世爻刑尅則是人自傷之死也。

若占置買亦宜福動生身。

凡占置買六畜子孫發動出產必多要來生合世爻必然好買易成與世衝尅定難置買應爻空三

則無主人。應爻生合世爻。而子孫或空或伏者。不  
人與我最相契。而無害可買也。兄鬼發動。不惟買  
之不利。且有禍  
患。不宜買之。

### 若問利時。最怕妻興化絕。

財爻出現不空。有氣持世。生合世。不受傷剋。不變  
兄鬼。即為有利。若不出現。或落空亡。或化死墓絕  
空。或被兄剋弟  
劫。皆主不利。

### 或賭或鬪。皆宜世旺財興。

北人好鬪。鶴鵲。南人好鬪。促織。黃頭鳥。凡遇  
占此。要世爻有氣剋應。子孫發動。即是我勝。世雖  
不剋。得月建日辰動爻刑剋。應爻亦勝。若世被應  
剋。子孫空伏。官鬼發動。日月動爻反來刑剋。是他  
勝。最怕父母帶殺旺動。則禽虫有鬪死之患。財爻  
持世。生合皆吉。兄鬼持世。是我輸。世應比和。六爻

安靜子孫空伏賭闕不成世應俱空亦賂不成

或獵或漁總怕應空福絕

凡占漁獵要應生世世尅應子孫生財便主有得若應爻空亡子孫受尅或臨死絕必然空出空回無所獲也鬼爻旺動尅世須防猛獸傷人兄弟發動雖有不多得子孫動臨身世則吉

乳抱者宜胎福生旺而無傷

凡占蓄養母猪羊及抱鷄鴨鵝鴨類要胎福二爻生旺不受刑尅便無損失若自空或帶鬼必難生育化空絕化鬼則生後有損旺空一半無事福旺財空雖出好而利輕

醫治者要父官衰絕而有制

六畜有病占醫治療要子孫旺相有氣不落空亡不遭刑尅而父母官鬼休囚墓絕或雖動而有制

代不死。若子孫無故自空。或化死墓空絕。或化官  
鬼。或父母帶殺。乘旺動尅。皆不能救。雖用醫治。亦  
必死。應多空亡。及被  
世尅者。醫必不來。

卜筮全書卷之十